



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1514. usque ad annum 1520

Fleury, Claude

August. Vind. [u.a.], 1769

VD18 90118464

§. 115. Pandulphi Cardinalis extrema

[urn:nbn:de:hbz:466:1-66414](#)

Sæcul. XVI. que nummum aureorum millia penderuntur.
A. C. 1519. Obiit non citra lenti veneni in carcere hausti suspicionem, ac sepultus est in Ecclesia S. Sabinæ.

§. CXV.

Mors Pandulphini Cardinalis.

Anton. Am-
miratr.

Famigl. Flor. Nicolaum Pandulphinum patria Floren-
Ughel Ital.

sacra.

Ciacon. in
Leon. X.

p. 349.

Eodem anno Sacrum Purpuratorum Collegium tertium luxit Cardinalem, Nicolaum Pandulphinum patria Florentinum: is anno millesimo quadringentesimo quadragesimo ex nobilissima Florentinorum prosapia ortus, ac a puero Bononiæ tam linguae latinæ, quam juris peritiam edoctus in patriam deinde reversus est, ubi Canonicus primo constitutus demum ad Romanam Curiam sub Pio II. se contulit, a quo Apostolicæ Cameræ Clericus, & a Paulo II. Apostolicus Scriptor renunciatus est, quo munere functus tam præclara doctrinæ specimen edidit, ut Sixtus IV. eidem Juliani S. Petri ad vincula Cardinalis Nepotis sui institutionem committeret, eundemque nonnisi suffragante virtutum ac probitatis merito Pistoriensi Ecclesiæ præficeret, ac Beneventanæ urbis Gubernatorem nominaret. Post hæc ab Innocentio VIII. Pisis S. Zenonis Abbatiam in com-

commendam obtinuit, cumque Julianus ~~scil.~~ XVI.
Cardinalis S. Petri ad vincula demum ad ~~A.C. 1519.~~
Pontificatum sub nomine Julii II. Anno
millesimo quingentesimo tertio evehere-
tur, ac Pandulphini consortium peropta-
ret, illum a secretis habere voluit, nec-
non Auditorem constituit, eumque in Fa-
miliam Ruveream adscivit. Referunt
nonnulli, Pandulphinum ideo non fuisse
purpura donatum, quia pertinacibus Julii
consiliis obsequi neglexisset. Nihilominus
Mense Julio Anno Christi millesimo quin-
gentesimo decimo septimo a Leone X.
Cardinalium Collegio adscriptus est, haud
diu tamen honori, quem in virtutis ac
meriti sui præmium obtinuerat, vita su-
perfites fuit; vix enim purpuram accepe-
rat, quando Pistorii in Diœcesi sua a-
nimam Deo reddidit, juxta quosdam Scri-
ptores die quinta Julii, vel juxta alios
die decima septima Septembbris Anno a
Christi nativitate millesimo quingentesi-
mo decimo octavo. Corpus ejus Flo-
rentiam delatum in Abbatia quadam in
sepulchro Patrum suorum conditum fuit.
Vir erat morum probitate, literarum
scientia, ac vitae sanctitate conspicuus;
in pauperes liberalis, beneficus, parum-
que de se sollicitus, Ecclesiæ vero fuse
Pistoriensi, cui per annos quadraginta
quatuor sanctissime præerat, maxima

D d 2

con-

Secul. XVI contulit beneficia, nam Clericorum
A.C. 1519 minarium ad piam juvenum institutio-
 nem condidit, mensamque Episcopalem
 auxit, & in Ecclesia sua Archidiaconat-
 um erexit, demumque S. Nicolai Mo-
 nialium monasterium a fundamentis ex-
 struxit. Unde dignissimi hujus Præfulis
 memoria adhucdum apud Pistorienses
 adeo recenter in Benedictione est, ut
 illum jure merito Patrem spiritualem ap-
 pellent, ac quovis anno ex Senatus Pi-
 storiensis consulto in die depositionis An-
 niversarium pro ejus anima
 celebrent.



HISTO-